



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 1. Desumpta ex cap. 1. & 2. lib. 4. Regum, in quibus describitur  
Consilium Ochoziæ à Beelzebub petitum, militum ab Ochoziæ ad Eliam  
missorum interitus. Raptus Eliæ in Cœlum, divisio aquarum ...

---

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

## FASCICULUS XLV.

*Doctrinarum Moralium & Asceticarum.*

### Doctrina I.

*Desumpta ex cap. 1. & 2. lib. 4. Regum, in quibus describitur Consilium Ochozia à Beelzebub petitum, militum ab Ochozia ad Eliam missorum interitus. Raptus Eliae in Cœlum, divisio aquarum per Elisaum, pœna puerorum huic Prophetæ illudentium.*

*Considera 1.* **H**Orrendum illud supplicium, quô missos ab Ochozia Rege milites affecit Cœlum cap. 1. dum ad

Imperium Eliæ ultior ignis descendens omnes consumpsit. Non dispar supplicium manet eos, qui vel proprio motu, vel aliorum imperio injurias non verentur inferre Sacerdotibus, quos quidem velut Eliam cum militibus illis vocant *Homines Dei*, & altissimi *Ministros*, attamen viliissimorum instar scurrarum quâ verbis quâ factis tractant. S. Cyprianus comminatoria Christi verba: qui dixerit fratri suo: fatue, reus erit Gehenna &c. Matth. 5. ponderans ait: quomodo possunt censuram Dei altissimi evadere, qui talia ingerunt non tantum fratribus sed & Sacerdotibus, quibus honor tantus de Dei Dignitate conceditur, ut in ipsis contemptus ipse contemptus esse censeatur. Gravem hanc Dei censuram Ozias Rex 3. Reg. 13. qui minari ausus Azariae & allis Sacerdotibus se increpantibus, leprâ percussus est. Jeroboam 3. Reg. 13. extendens manum contra Prophetam Domini, eum jubens apprehendi, illam exaruisse vidit. Euthimius quidam, ut refert Baron. ad an. 380. domo in proximo conducta, & parato curru per integrum exspectabat annum, ut occasionem nactus. Ambrosium vcheret in exilium, ad hoc scelus à Justina Imperatrice instigatus. Evoluto autem anno Talionis pœnam sensit, in exilium deportatus, Ambrosiō ipsum Vaticano prosequente. Eodem anno cum Ambrosius sua federet in cathedra, & una de Arianis Virginibus tribunal conscendens, eum apprehensō vestimentō niteretur ad partem mulierum trahere, ab ipsis cædendum, & ex Ecclesia pellendum, altero die obiit, ab Ambrosio,

Fff 3

nolen-

nolente malum pro malo reddere, ad sepulchrum usque deduxit. Nil refero de Macedonio Hæretorum fauore, qui Ambrosium aliquando ab ingressu Prætorii excludens, cum postea confugeret ad Ecclesiam, apertis januis aditum reperire non potuit. Talibus exemplis, ut opinor, inductus Basilius Imperator, tantum honorem & Reverentiam, quin & obedientiam Sacerdotibus praestari voluit, ut Filium suum seriis hisce hortaretur verbis: *Honor, qui Sacerdotibus desertur, ad Deum resertur, & sicut Ministros tuos in honore haberi justum est, ita & propter Deum Sacerdotes ejus magnificare Sanctum.* Basilium ut ætate, ita & reverentia erga Sacerdotium præcedens Constantinus M. Imperator: oblatos sibi in Nicæno Concilio libellos, de vitiis Sacerdotum tractantes, legere recusavit, inquiens: *Sacerdotum vitia non sunt Populo aperienda, ne is inde causa offendiculi accepta licenter peccare aggrediatur.* Dicebat pariter: se Sacerdotem sceleri operam dantem si cerneret, regali Purpurâ conjecturum. Alexander M. et si veræ fidei expers esset, falsorum Deorum Cultui addictus, attamen Josephô teste lib. 11. antiquitat. cum haberet sibi obvium Sacerdotem Jaddo, Pontificali ornatu vestitum, summa cum veneratione eum exceptit gratiose annuens omnibus ejus petitis. At dicet nonnullus sœcularium, plurimos Sacerdotum moderno tempore reperiri, homines de infirma plebe natos, & hinc honoris indignos. Reponet eis S. Chrysost. homil. 3. in 2. Corinth, *etiam si simus indigni: Legati tamen quicunque illi fuerint, propter Legationis Dignitatem multum honorem consequuntur.* Amalias Agypti Rex de plebe natales trahens, quando sensit parum honoris sibi hac de causa deferri, jussit catinum aureum sibi afferri, in quo ipse & convivæ priusquam regali accumbebant mensæ, pedes lavabant. Dein ex catino aureo mandavit Idolum confici, publico exponendum Cultui in Altari primario. Utque vidit, certatim populos ad cultum Idoli hujus confluere, eosdem alloquens dixit: *scitisne, ex qua materia Idolum hoc fabricatum sit? utique ex catino, lavandis pedum sordibus prius destinato? sim parentibus ergo licet humilibus in lucem editus, supremus tamen mihi debetur honor, tanquam homini in Regem assumpto.* Ita Herodet lib. 3. Haud aliter de sacerdotibus ex plebe natis discurre Christiane Lector. Supplicio igitur impii Ochoziæ & aliorum deterritus, quæ verbis, quæ factis honorem Sacerdotibus debitum non denega, considerans: quæ Reverentiâ salutet Eliam quinquagenarius tertius, a Rege ad ipsum missus v. 13. cap. cit. dum afferit de illo S. Script. qui cum venisset, curvavit genua coram Elia &c.

Con-

Considera 2. Eliam igneō curru ex hoc Mundo abductum, veritatem illius adagii: *qualis vita, finis ita, suō probare exemplō.* Quamdiu Elias hīc viatorem egit, ignis erat, & verbum ejus quasi facula ardebat Eccles. 48. Atque hīc, qui instar ignis vixerat, ē vita hac in igne avehi debuit. S. Ambros. in ultimo vitæ suæ puncto constitutus, cūm cerneret alios deplorare discessum suum, talibūs eos legitur animāsse verbis: *non sic vixi, ut pudeat ultrā vos inter vivere, sed nec mori timeo &c.* S. Laurent. Justin. jamjam abiturus: *abite, inquietabat domesticis lacrymantibus, abite hinc cum vestris lacrymis, tempus letitiae est non lacrymarum.* Pudeat vos, mortem timere: cūm Dominus noster Jesus Christus, in cuius conspectu decumbo, propter nos in cruce decumbere voluerit. Hanc diem semper ob oculos habui. Tu scis Domine Iesu! Surius 8. Janu. S. Hilarius in latrones lapsus, & interrogatus: an mortis metu afficeretur? ocīus retulit Mauriliō teste lib. 5. Mori non timet, qui semper mori paratus est. Sicut aqua saporem contrahit terræ, quam transit, fluens sulphurea aut salsa, si tali qualitate affectam repererit terram: ita mors saporem vitæ induit. Hinc optimè asserit S. Bonavent. Serm. 2. Dom. 15. Pentec. *Nihil in homine moritur, quod in eo antea non vixit; unde manus mea, pes meus, & alia membra, que in me non vivunt, in morte in me mori non possunt. Sic in Domino moritur, quicunque est membrum Domini per fidem & amorem.* Nullus in eo moritur, qui non vixit in eo. Scholasticos inter fuerat olim in controversiam deducta quæstio: quid sit mors? ubi in varias itum est sententias, respondentē Saphocle: mortem esse ultimum morborum medicum, utpote quæ omnibus corporum infirmitatibus finem imponat. Aliter censuit Sotades, asserens: mortem esse mortalium omnium portum. Credebat enim, nos omnes in hac vita haud aliter, quam in mari turbido jactari, & mille procellis concuti, à quibus per solam mortem in tuto ponamur. Tertuliano placuit mortem vocare ultimam quæstionum omnium: is enim aestimaverat, vitam nostram esse simillimam scholæ, in qua varias quæstiones moveri & motas discuti necessum sit, quas inter difficillima ipsa mors, utpote quam declinare nullus valeat Grammatista, nullus Rhetor satis explicare, definire nullus Philosophus Aristoteles suam quoque declaraturus mentem, mortem nominat: terribilium omnium terribilissimum. Limitat verò opinionem istam S. Augustinus lib. de civit. Dei dicens: *Mors mala putanda non est, quam bona vita precessit.* Sicque apposite ad nostrum loquitur propositum, sentiens nobiscum, mortem esse

Fff 4

esse

esse echanem vitæ, illis haud dubiè suminè terribilem, qui vitam duxiſ ſent virtuti diſſonam, ſuavem verò illis, quorum vita bonos mores & virtutum actus reſonāſſet. Posteriorem hujus noſtræ ſententiæ partem probavere exempla præcedentia: primam verò demonstrabunt ſequentia. Antiochus per omnia ſcelera, maximè verò per tyrañicam crudelitatem & ſuperbiā in vita ſua vagatus, teſte S. Scripturā 2. Machab. 9. Pefſimè percuſſus &c. peregrè in montibus miſerabiliter ſita eſt vīa funtus. Herodes Rex, cuius ſcelestam vitam nemo nescit, Aſtor. 12. conſumptus à vermis, exſpiravit. Quis ergo ( ut alia Scripturæ exempla ſilentio involvam ) præfatæ non ſubſcribat ſententiæ? placeat unum aliud recentius audire, quod Londini in Anglia obtigit Anno 1596. eō tempore lethali correptus morbo, a grē ultimum trahebat Spiritum Baro de Hounſden, Reginæ Elisabethæ a consiliis. Hic paucis ante obitum diebus horrendum ſpectaculum ſuis ſenſit objectum oculis. Intuebatur nempe complures ejusdem consilii Anglicani Senatores, quos Engelgrav. in luce Evangel. p. 2. D. 3. Advent. ſ. 1. ex ordine deſcriptos affert, ego autem brevitatis ſtudioſus nunc taceo. Intuebatur inquam eos, igneis togis circumdatos, quos paulo ante noverat mortuos. Nec ſuffecerat, illum hōc aspectu terri, quin & terri debuit tremendō auditu. Illi enim ei nuntium deferebant; futurum perbrevi, ut eorum affeclam inter poenas infernales ageret. Ju-bent adhac, ut par nuntium Guilielmo Cæilio theſaurario intimet. Hæc omnia uti contingerant, inviſentibus ſe enarravit Baro de Hounſden, ingenti terrore percuſſus. Erat inter illos, qui Baronem convenerant nobilis quædam ſœmina, quæ de tali ſpectaculo certior reddi cupiens, ab illo intellexit: veriſt̄ma illa omnia & oculis & auribus ſuis objecta eſſe, ac proin de ſalute ſua conclamatum. Cumque illa instaret: nihilne ſpei aut remedii ſupereret? respondit, aliud non ſuppeteret, niſi ut excogitetur modus & via, quâ Sacerdos orthodoxæ fidei ad ſe accessum habeat: conſcientia diſtante, extra Eccleſiam ſalvari neminem. Hæc prolocutus, horrendum vociferabatur, & nullum veræ poenitentiæ ſignum præferens, vitam quam inter vitia egerat miſerrima clauſit morte. Talibūs exempliſ non parum territus exclamabis Christiane Lector cum Balaam: moriatur anima mea morte Justorum! at carabit vox votumque iſtud optatō effectu, ſi dum vi-vis, non vivas vitâ Justorum. Planè non diſcedes cum Elia igneus, ſi vi-xeris aquæ inſtar frigidus aut tepidus. Esto igitur in vita tua folli-citus

citus cum Eliseo discipulo Eliæ, ut ambules juxta spiritum tibi de-super datum. Divide patientiæ palliò undas tribulationum, quæ tibi occurunt in hac vita mortali. Sale bonorum operum & meritorum amaram mortis corporeæ memoriam salias, & illa dulcorabitur. Non cures, si pietati & simplicitati tuæ à perversis hujus mundi pueris (ut hic Eliseo obtigit) illudatur. Sentiant illi vindictam Dei, ab infernalibus ursis lacerandi.

## Doctrina 2.

*Desumpta ex cap. 3. 4. & 5. lib. 4. Regum, in quibus describitur Ioram & sociorum expeditio in Moab. Moabi factum in maestato filio. Multiplicatio Olei per Elizæum, & resuscitatio mortuorum. Naaman leprosi curatio, & conversio. Giezi Simonia & lepra.*

*Considera I.* Totum genus humanum à tribus juratissimis hostibus, N. 304. carne, Mundo & Dæmone cinctum, ceù alterum Regem Moab à tribus hostibus in extremas angustias redactum esse, ut nullus superfuerit fugæ salutique locus: horrenda enim clade per primum protoparentis delictum periisset totum; nî Pater æternus Moabi factum imitatus, primogenitum filium suum obtulisset in Holocaustum, exclamans apud Isiam cap. 53. Propter scelus populi mei percussi eum. Ex quo tempore facta est indignatio magna in hostibus, loquar verbis S. Script. citati capit is; & recesserunt ab eo, & reversi sunt in terram suam &c. quin imò non tantum ad extrema salutis venerat genus humanum, sed jam actu instar pueris Sunamitidis ob calorem concupiscentiæ, quô caput illius, Adamus videlicet scientiam divinam appetens, laboraverat, jam mortuum fuerat: Sed hem! verbum Patris hominem extinxit ut redderet vitæ gratiæ, Elizæum egit, primò mittens Giezi, nempe Ministros suos, viros Sanctitate & Miraculorum dono clarissimos, qui baculum Sacrae Doctrinæ imponerent spiritu-liter mortuo, & eum revocarent ad vitam gratiæ. At non erat vox, neque sensus cap. 4. v. 31. Tandem ergo Deus assumptâ carne Elizæum induitus, ingrediebatur Domum hujus Mundi, & incumbens super puerum mortuum calefecit eum Doctrinâ suâ, & revixit. In Eliseo inquit S. Ambros. Epist. 17. Figura Domini præcessit, qui projectis se, ut mortuum erigeret, in quo Symbolum est: quod nobis Christus commortuus sit, ut nobis

G g g